

سنه لک در سعادت ایچون مجیده
بکرمی غروش حسابله التمش
غروشدر

طفره ایچون پوسته اجرتی اوله رق
اون بش غروش ضم اولنور

نسخه سی ٤٠ پاره در

قانون اساسی

آبونه اولمق ایستینلر دائره عدلیه ده
اداره مخصوصه سنه مراجعت
ایملیدر

اعلاناتک بهرندن بر مجیده اخذ
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توضیحات

وظیفه مودوعه سنی حسن ایفا الیکده اولمسنه مبنی
عدلیه نظارت جلیله سی اوراق اوطه سی ممیزی عزتو
حمدی بکه ترفیعاً رتبه ثانیه صنف ثانسی توجیه
بیورلمشدر.

تعمین و تحویل

یانیه ولایتی استیناف محکمه سی باش کتایته پروژه
سنجانی بدایت محکمه سی اعضاسندن احمد بک
پروژه سنجانی بدایت محکمه سی اعضا لینه یانیه ولایتی
استیناف محکمه سی باش کاتبی محی الدین افندی تعیین
اولنمشدر.

تبلیغات

جنحه دعوالرندن طولای استینافاً ویریلان
مقررات علینده کی تمیز استدعایه لرینک محکوم علیم
جانبدن مقیم اولدقلری محل محکمه سنه اعطاسیله برابر
شرائط سائر تمیزی نه نک دخی اورا جه اجراسی جائز اولوب
اولمدینک تعیین حقنده وقوع بولان استفسار اوزرینه ذکر
اولنان تمیز استدعایه لرینک حکمی ویرن محکمه نک کاتبه
اعطاسی لزومی اصول محاکات جزایه قانوننک اوچیز
یکرمی اوچنجی و اوچیز یکرمی سکرنجی و اوچیز
یکرمی طقوزنجی ماده لری احکام صریحه سندن
اولدینی کبی حبسی متضمن اولان اعلاماتک شرائط
تمیزی سندن بولنان بالکفاله تخلیه سیل معامله سندن
طولای ده محبوسیتی حکم ایدن محکمه یه مراجعت
اولمق اقتضا ایده جکی اصول مزبورک یوز اون برنجی
ماده سنک جمله مندرجاتندن بولمش اولدینندن
بوابده کی صراحت قانونیه توفیق حرکت اولمق لازم
کله جکی انجمن عدلیه دن بیان وافاده قلمشدر.

دوائر اجراییه دن مدیون محکومک نقود و اموالی

حقنده وضع اولنان حجزک کندوسنه با اخبارنامه
تبلیغندن سوکره معاملات متعاقبه سنک ایفاسی ایچون
ایکینجی دفعه اوله رق دیگر براخبارنامه دها تبلیغنه
لزوم اولوب اولمدینک تعیین حقنده وقوع بولان استفساره
بناء انجمن عدلیه دن تنظیم واعطا قلنان مذکرده
اجرا قانوننک بوکی حجز اولنان نقود و اشیا و املاکک
ضبط و فروختنی مین اولان التجی فصلنک الی برنجی
ماده سنده حجز معامله سندن سوکره اجرا مأمورینک
برایکینجی اخبارنامه ایله تعیین اولمش اولان مهل
ظرفنده مدیونی تسویه دینه دعوت ایده جکی مصرح
اولمسنه نظراً کرک حجز آلتیه آنان اموال و اشیا نک
فروختی و کرک نقود مجوزنه نک داینه اعطاسی
کیفایتی مدیونه تبلیغ اوله جق برایکینجی اخبارنامه نک
ناطق اولدینی مدتک مروریه تسویه دیندن امتناع
وقوعنک تعریفات قانونیه دائره سنده ثبوت و تحقیقه
متوقف بولمش اولدینی بیان وافاده ایدلمشدر.

محاکات و مقررات

محکمه تمیز حقوق دائره سندن تنظیم واعطا

اولنان اعلامدر:

مدلو سنجانی داخلنده مولوه قضاسنه تابع لاقیونه
قریه سی اهالیسی ایله قریه مذکورده مقیم نیقوله واسیل
صولیرو بینلرنده متکون دعوایه دائر مدلو بدایت
محکمه سندن ٢٣ تموز سنه ٣١٥ تاریخ ویکرمی سکرنجی
عددی ایله استینافاً ویریلان اعلام قریه مذکور
اهالیسی طرفندن تمیز ایدلمکله باش مدعی عمومیلک
مأموریت بهیه سنک مطالعه نامه سی آله رق اعلام مذکور
طرفینک اعتراض و جواب لایحه لرله بالمطالعه تدقیقات
تمیزیه اجراسنه ابتدار قلندی.

اعلام مذکورک خلاصه مالی قریه مذکور
اهالیسی ایله مزبور نیقوله واسیل صولیرو بینلرنده
متکون صو دعواسنه دائر مولوه بدایت محکمه سندن

صادر اولان اعلام علینده اهالی مذکور طرفلرندن
مدلو بدایت محکمه سنه بالمراجعه استیناف دعوایه
قیام اولمش ایسه ده عندالاستیناف درمیان اولنان
اعتراضات اعلام مستأنف بهک فسختی موجب کوریه -
مدیکنه بناء ردیه اصول محاکمه حقوقیه قانوننک یوز
طقسان التجی ماده سنه توفیقاً اعلام مستأنف بهک
تصدیقنه حکمدن و مستدعی تمیز اهالی قریه نک اشبو
حکم علینده لایحه لرنده محرر اعتراضینک باشلو -
جهسی بدایت خصملری طرفندن اقامه ایدیلان شاهدلرک
وقوع بولان شهادتلرنده اختلاف اولمغله برابر مزبور
نیقوله یه مانع شهادت اوله جق درجه ده قرابتلری
اولدینی و بوده قانونه مغایر بولندینی عندالاستیناف
درمیان اولدینی حالده بو جهتک نظر دفته آلمانسی
مغایر قانون اولدینندن بحثله اعلامک نقضی و لایحه
جوابیه مؤداسی دخی اعتراض مذکورک غیر وارد
ایدوکی بیانیله ردی و اعلام مذکورک تصدیق استند -
عاسندن و سالف الذکر مطالعه نامه مالی دخی لایحه
تمیزی ده درمیان اولنان اعتراضاتک غیر وارد اولدینی
بیانندن عبارتدر ایجابی مذاکره اولندقدده اعلام
مذکور مألندن منفهم اولدینی اوزره محکمه استینافیه جه
مستأنف طرفندن درمیان اولنان اعتراضاتک غیر وارد
اولدینی بیانیله اعلام مستأنف بهک تصدیقنه قرار
ویرلمش ایسه ده مستأنف طرفندن عندالاستیناف سرد
ایدیلان اعتراضاتک بالتدقیق اسباب موجب قانونیه
بیانیله یکان یکان قبول و یا ردینه قرار ویرلمسی لازم
کلور ایکن بلا اسباب موجب مجموعنک ردینه
قرار ویرلمسی مغایر قانون اولدینندن اصول محاکمه
حقوقیه قانوننک ایکوز قرق برنجی ماده سی موجبجه
اعلام مذکورک نقضیه قانون مذکورک ایکوز قرق
در دنجی ماده سی حکمنه توفیقاً کیفیتک بوجه مشروح
اعلامه ربطی ضمننده محکمه مذکوریه اعاده سنه ٢٣
شباط سنه ٣١٥ تاریخنده متفقاً قرار ویرلدی.

محکمهٔ تمیز استعدا دأر هسندن تنظیم واعطا قلنان اعلامدر :

اطنه ولایتی استیناف محکمه‌سی جزا دأر هسندن لاحق اولوب ۱۱ کانونانی سنه ۳۲۰ تاریخده تفهیم قلنان قراری حاوی ۱۱ کانونانی سنه ۳۲۱ تاریخلی وایی یوز قرق بش عدلی اعلامک تمیزاً تدقیقی مستعدی ولایت مذکوره اورمان اداره‌سی دعوی وکیلی طرفسندن ویریلان ۱۳ کانونانی سنه ۳۲۰ تاریخلی استدعایامده مفرعائی باش مدعی عمومیک مأموریت هیه سنک ۲۹ اغستوس سنه ۳۲۲ تاریخلی تبلیغامه‌سی ایله محکمهٔ تمیز استعدا دأر هسندن تودیع اولمش واستدای مذکورک مدت قانونیه‌سی طرفنده ویرلیدی بالتدقیق اکلاشمش اولغله بالقبول تدقیقات تمیزه اجراسنه ابتدار قلندی .

اعلام مذکورک خلاصهٔ مالی قره‌طاش قریه‌سی جوارنده واقع مودی موسی نام میری اورمانسندن بلا رخصت یوز طقسسان بش عدد میشه اشجارینی قطع وتخریب ایتدکلی ادعاسیله مظلون علیهما اولان اسبانک اوغلی کوسه محمود وصقاللی بیوک عثمان حقارنده بدایهٔ جریان ایدن محاکمهٔ غیایه نتیجه‌سنده مرقوماند محمّد یوز التمش و عثمانک ایکی یوز قرق بشاک جزای تقدی ایله محکومیلری حقنده لاحق اولان اعلام غیایه مرقومان جانبندن اعتراض علی الحکم وقوعیله اجرا قلنان محاکمهٔ وجاهیه نتیجه‌سنده شاهد صفتیله استماع قلنان مختار طوبال مصطفانک محاکمهٔ غیایه‌ده کی شهادتی تغیر ایلمی اوزربنه مظلوناً محاکمهٔ آتته آتته ررق استجواب ایدلیدیکنده شهادت سابقه‌سنه رجوع ایلسندن مرقوم مختار مصطفی ایله دیگر شاهدلرک شهادتنه وکشف ورقسی مألارینه نظراً قطع اولدینی ادعا اولسان اشجارک مظلون مرقوم محمّد متصرف اولدینی ترلامی دروننده حاصل اولان اوفق تفک میشه اورمانسندن عبارت اوله‌رق مذکور ترلانک زراعتی اخلال ایدن بومثلو عوارضی ازاله اتمک صلاحیتی حائز بولنسنه نظراً مرقومانک حرکتلری قانوناً مستلزم جزا کوربله‌ماش ایدوکندن هر ایکسینک‌ده مسئولیتیه دأر لاحق اولان حکم ابتدائی علینه اورمان اداره‌سی طرفسندن اعطا قلنان استیناف استدعایامه‌سی اوزربنه اجرا قلنان تدقیقات استینافه نتیجه‌سنده مستأنف اورمان اداره‌سی وکیلی جرم شاهدرینک اولاکتم شهادت ایله بالاخره شهادتده بولنلرندن طولانی حقارنده لازم کلام معاملهٔ قانونیه ایفا ایدلک لازم کلور ایکن درجهٔ اولی محکمه‌سنجه بوجهتندن ذهول ایدلمش اولدینسندن بخله حکم

ابتدائیک فسختی طلب آتش ایسه‌ده بوکی ادعالر حقوق عمومیه مأمورلرینه‌عا داولوب مدعی شخصیلرک بویابده ادعایه حق وصلاحیتی اولدینی بیانیله ادعای واقفک ردینه واعلام ابتدائیک تصدیقه قرار ویرلیدیکندن عبارتدر .

لاحمهٔ تمیز یوده اشجار مقطوعه حقسنده تنظیم اولسان راپور مندرجاتک ومحل منازع فیه ادعای تصرفده بولنان مظلون علیهمانک طایو سندی ابراز ایدمدکیرینک نظردهٔ آتتامسی وشهادات واقعه ایله برابر برطاقم دلائل قویه دخی بولدینی حالده هیچ برینه اعتبار ایدلامسی وحکم تمیزهک برمادهٔ قانونیه‌یه مستند بولنلامسی مخالف اصول وقانون ایدوکندن وافادات سائردهن بخله اعلام استینافی مذکورک نقضی استدعا قلنمشدر .

تبلیغامه‌ده دخی لایحهٔ تمیزیه‌ده اصول واساس ماده‌یه دأر سرد اولسان اعتراضات بجای کورلمش اولدینی بیانیله اعلام مذکورک قضی طلب اولنمشدر .

ایجابی لدی المذاکره مظلونلر طرفندن قطعیات واقعه‌نک کندی ترلارنده کی میشه اورمانسندن اجرا قلندیغه متدأر دفعلرینه قارشو اورمانک میری اورمانی بولدینی ادعاقلنمش وبنابرین دعواده مسئلهٔ مستأخره حاصل اوله‌رق ادعای مشروحک محکمهٔ عاده‌سنده فصلنه دکن تأخیر وتعلیق محاکمهٔ ایجاب ایلش اولدینی حالده محکمهٔ بدایجه بوجهت نظر اعتنایه آلتقمیزین ملکیت ادعاسنک کشف ورقه‌سنه مستدأ فصلی صورتیه عدم مسئولیت قراری ویرلمی فسخت حکمی مستلزم نواقص وخطیبات قانونیه‌دن بولنش ایکن محکمهٔ استینافیه‌نک حکم واقعی تصدیق ایلمی بولسز ومخالف قانون بولدنسندن اصول محاکمت جزایه قانوننک اوچوز اون دردنچی و اوچوزاون طقوزنچی ماده‌لری احکامنه توفیقاً اعلام تمیزهک نقضیه اوراق دعوانک محله اعاده‌سنه ۳۱ مایس سنه ۳۲۳ تاریخده متفقاً قرار ویرلیدی .

صوانک خانه‌سندن آناختار استعمالیه اشیاسی سرقت ودمیرینک دکاتی آچغه تصدی ایلدیکی ادعا اولنسندن دولای جنایتله اتهام اولنان سیورکه‌جی قره عبالی طناشک اوچ سنه مدته کورک قونلسنه وقسطیندنک برآئنه دأر ادرنه ولایتی استیناف محکمه‌سی جزا دأر هسندن اعطا قلنان ۳۱ نومرولی اعلام

مصطفانک یاغخانه‌سی دیوارنی دله‌رک درونندن برطاقم اشیا سرقت ایلدیکی ادعا اولنسندن دولای جنایتله اتهام اولنان دیگر مصطفانک اوچ سنه مدته

کورک قونلسنه دأر نیکده سنجانجی بدایت محکمه‌سی جزا دأر هسندن ویریلان ۶۳۰ نومرولی اعلام

جزردلی سید اشرف افندی قتل ایلدیکی ادعا اولنسنندن دولای جنایتله اتهام اولنان عمر بن یوسفک اون بش سنه مدته کورک قونلسنه دأر ماردين سنجانجی بدایت محکمه‌سی جزا دأر هسندن ویریلان ۱۶ نومرولی اعلام

قلنجلر قریلی حسینک خانه‌سندن اشیا سرقت ایلدیکی ادعا اولنسنندن دولای جنایتله اتهام اولنان محمد ومصطفانک اوچر سنه مدته کورک قونلرینه وعلینک برآئنه دأر انقره ولایتی استیناف محکمه‌سی جزا دأر هسندن ویریلان ۱۴۶ نومرولی اعلام

جامع صغیر محله‌لی نعمان بن مصطفانک اشیاسی سرقت ایلدیکی ادعا اولنسنندن دولای جنایتله اتهام اولنان اسماعیل بن عرک اوچر سنه مدته کورک قونلسنه دأر برشته‌سنجانجی بدایت محکمه‌سی جزا دأر هسندن ویریلان ۲۴۵ نومرولی اعلام

کورکی قتل ایلدیکی ادعا اولنسنندن دولای جنایتله اتهام اولنان عثمانک اون بش سنه مدته کورک قونلسنه دأر قوصوه ولایتی بدایت محکمه‌سی جزا دأر هسندن ویریلان ۳۶۱ نومرولی اعلام

ایوانلی قریلی علی بی قتل قصیده جرح ایلدیکی ادعا اولنسنندن دولای جنایتله اتهام اولنان خلیلک اوچر سنه مدته کورک قونلسنه دأر قوصوه ولایتی استیناف محکمه‌سی جزا دأر هسندن ویریلان ۶۲۰ نومرولی اعلام

ایلیا قریلی خرملبو طودوری قتل ایلدیکی ادعا اولنسنندن دولای جنایتله اتهام اولنان کاظمک اوچر سنه مدته کورک قونلسنه دأر ارکری سنجانجی بدایت محکمه‌سی جزا دأر هسندن ایکنجی دفعه اوله‌رق ویریلان ۱۷۵ نومرولی اعلام

آبادین قریلی علی بی قتل و آرتینک بر رأس اوکوزنی غصب ودلیل واوغلی سلیم وصادقه قتل قصیده سلاح استعمال ونعمان وصالک خانلرینی احراق ایتدیکی ادعا اولنسنندن دولای جنایتله اتهام اولنان عبده بن سلیمانک اون بش سنه مدته کورک قونلسنه دأر برشته‌سنجانجی بدایت محکمه‌سی جزا دأر هسندن ویریلان ۵۱۴ نومرولی اعلام

دوینجه قریلی یحیی ادریسی قتل ایلدیکی ادعا اولنسنندن دولای جنایتله اتهام اولنان جزارت ضیا بکک اون بش سنه مدته کورک قونلسنه دأر کورپیجه سنجانجی بدایت محکمه‌سی جزا دأر هسندن ویریلان

۵۸ نومرولی اعلام

هرام بک قریلی یکیت باشی اوغلی ماردریوسک لیلأ ومسلحاً خانه‌سی قیوسی کشاد ایدرک بالدخول

اشیاسی اخذوسرقت ایلدیکی ادعا اولنسنندن دولای جنایتله اتهام اولنان آغویک الی سنه مدته کورک قونلسنه و سلیمانک برآئنه دأر معموره العزیز ولایتی استیناف محکمه‌سی جزا دأر هسندن ویریلان ۶۰ نومرولی اعلام

محمودی قتل ایلدیکی ادعا اولنسنندن دولای جنایتله اتهام اولنان امینک اون بش سنه مدته کورک قونلسنه دأر سالنیک ولایتی استیناف محکمه‌سی جزا دأر هسندن ویریلان ۲۸۱ نومرولی اعلام

عبداللهک خرنلری عداً احراق ایتدکلی ادعا اولنسنندن دولای جنایتله اتهام اولنان حسن بن محمد ولطوف بن حسن وجدو بن احمدایله فراریلرک اوچر سنه مدته کورک قونلرینه و محمد ومحمود و ابراهیمک دخی برآئنه دأر حلب ولایتی استیناف محکمه‌سی جزا دأر هسندن ویریلان ۲۱۸ نومرولی اعلام

شاهین محله‌لی ایوب بن علی بی قتل ایلدیکی ادعا اولنسنندن دولای جنایتله اتهام اولنان سعده بن علینک اون بش سنه مدته کورک قونلسنه دأر قوصوه ولایتی استیناف محکمه‌سی جزا دأر هسندن ویریلان ۳۴۶ نومرولی اعلام

طورسونی ضرب ایله وفاتنه سببیت ویردیکی ادعا اولنسنندن دولای جنایتله اتهام اولنان عارفک بش سنه مدته کورک قونلسنه دأر بولی سنجانجی بدایت محکمه‌سی جزا دأر هسندن ویریلان ۳۰ نومرولی اعلام

چورلی ابراهیم کهبانک چوبانی دیمتری اوغلی علیکسی قتل قصیده جرح ایلدیکی ادعا اولنسنندن دولای جنایتله اتهام اولنان چوبان آپوستول اوغلی سقراطک اوچر سنه مدته کورک قونلسنه دأر تکفورطای سنجانجی بدایت محکمه‌سی جزا دأر هسندن ویریلان ۴۰ نومرولی اعلام

شیخو بن مصطفای قتل ایلدیکی ادعا اولنسنندن دولای جنایتله اتهام اولنان عثمان شهاده بن سلامینک اون بش سنه مدته کورک قونلسنه دأر قوزان سنجانجی بدایت محکمه‌سی جزا دأر هسندن اوچنچی دفعه اوله‌رق ویریلان ۲۰۳ نومرولی اعلام

رمضان بن حسین قتل ایلدیکی ادعا اولنسنندن دولای جنایتله اتهام اولنان راعبک اون بش وفعل قتله معاونت ایتدیکی ثابت اولان رفعتک اوچر سنه مدته کورک قونلرینه دأر مناستر ولایتی استیناف محکمه‌سی جزا دأر هسندن ویریلان ۳۲۵ نومرولی اعلام

قهوجی اوغلی احمدی قتل ایتدیکی ادعا اولنسنندن دولای جنایتله اتهام اولنان مصدق نام دیگر مصطفانک

اون بش سنه مدته کورک قونلسنه دأر قره‌حصار صاحب سنجانجی بدایت محکمه‌سی جزا دأر هسندن ویریلان ۸۲ نومرولی اعلام

قونداق وضعیه اورمان احراقه سببیت ویردیکی ادعا اولنسنندن دولای جنایتله اتهام اولنان یناک ولد یورکینک اوچر سنه مدته کورک قونلسنه دأر یانیه ولایتی استیناف محکمه‌سی جزا دأر هسندن ویریلان ۱۹۶ نومرولی اعلام محکمهٔ تمیز جزا دأر هسسنجه تصدیق قلنمشدر .

مُحَاوَلَاتُ اِنْدَبَاغِيَّة

طر بزون ولایتی مرکز بدایت محکمه‌سی ایکنجی مستطقی نیازی افندیکن خداوندکار ولایتی مرکز بدایت محکمه‌سی ایکنجی مستطقلکنده بولدینی صرده تحقّق ایدن حرکات قانون شکنانه سندن ناشی خداوندکار ولایتی عدلیه مفتشکنک اشعاری اوزربنه بالعلزل محاکمه آلتته آلتنه عدلیه نظارت جلیله‌سنجه مأذونیت ویریلرک محله تبلیغات مقتضیه اجرا قلنمشدر .

اِخْلَاقَات

تبعهٔ دولت علیه‌دن وتجارندن لیون اسکله‌سنده مقيم حلقوسی برادرلرک یوان دولتی تبعه‌سندن اولجه بک اوغلنده آینه‌لی چشمه‌ده برخانه‌ده ساکن ایکن الیوم اقامتگاهى مجهول ایدوکى خبر ویریلان آلفردو ولد دیمتری دالما علیه‌نه برقلعه بونوموجنجه الی لیرانک تحصیلی حقنده محکمهٔ تجارت برنجی مجلسنده اقامه ایلدیکی دعوانک فصل ورؤئی ایچون اشبو ۳۲۳ سنه‌سی تشرین‌انیسنک اون‌شنجی بختنجه تعیین ایدلمش اولدینسندن مرقوم الفردو ولد دیمتری دالمانک یوم مذکوره ساعت الی راده‌لرند محکمهٔ مزبورده حاضر بولنمی ویاخود مصدق سنده بر وکیل کوندرمى لازم کله‌جکی وشاید کز ویا وکیل کوندرمز ایسه دیگر طرفک وقوع بوله‌جق طای اوزربنه مومی‌الیه حقنده معاملهٔ غیایه اجرا قلنجه‌جی معلوم اولق اوزره تنظیم اولنان دعوتیه ورقه‌سی اصول محاکمهٔ تجارت نظامنامه‌سنک یکرمنجی ماده‌سنک دردنجی فقره‌سنه توفیقاً علی الاصول محکمه‌نک دیوانخانه‌سنه تعلیق قلندیکی کبی اوراق حوادث واسطه‌سیله دخی اعلان اولنور .

قوزغنجقده مغازه‌سنده ساکن ایکن تجارت بحیره محکمه‌سندن افلاسنه حکم اولنمش اولان مانیفاطوره‌جی هازی پارناس ذمتده آله‌جنی اثبات ویا موقتاً قبول وقید ایتدیرمش اولان آله‌جقولرک قانوننامهٔ تجارتک ۲۱۱ نجی و آتی ولی ایدن ماده‌سی موجبجه مفلس طرفسندن تکلیف اوله‌جق قوتقورداتونک مذاکره‌سی ایچون ۳۲۳ سنه‌سی تشرین‌اولنک اوتوز برنجی چهارشنبه کونی محکمهٔ

تجارت بحیره محکمه‌سنده

غلطه‌ده کورکیلرده ۴۹ نومرولی مغازه‌ده مقيم و بویا تجارتیه مشغول موئین بهار وقومانیه‌سنک ۲۳ تشرین‌اول سنه ۳۲۳ تاریخندن اعتباراً اعلان افلاسنه ومصالح افلاسیه‌نک رؤیت وتسویه‌سی ضمننده اعضای محکمه‌دن سعادتو ابراهیم بکک زوز قومیسر ودعوی وکیللرندن سلیم حسنی وشمعون لوی افندیلرک موقت سندیک تعیینلرینه ومغازسیله اشیا زائدهٔ یتیه‌سنک تمهیرینه واوراق ودفاترینک جلبنه وکفالت مصدقه اراّه ایده مدیکى تقدیرده حبس وتوقیفه و بویابده کی قرارک موقتاً اجراسنه تجارت بحیره محکمه‌سنجه قرار ویرلمش اولدینسندن قانوننامهٔ تجارتک ۱۷۰ نجی ماده‌سی موجبجه دائمی سندیکلر انتخاب اولنق اوزره اشبو ۳۲۳ سنه‌سی تشرین‌انیسنک التنجی صالی کونی ساعت یدی راده‌لرند اصحاب مظلوبک محکمهٔ مذکوره‌نک مصالح افلاسیه رؤیتیه مخصوص اوطه‌سنه کلری اعلان اولنور .

استانبوله کذابجی اوغلی خاندنه ساکن ایکن تجارت بحیره محکمه‌سندن افلاسنه حکم اولنمش اولان آلقاهی لوینک خصوصات افلاسیه‌سنک رؤیت وتسویه‌سی ضمننده دعوی وکیللرندن عثمان طاعت ویوسف‌کمال ونشئت بکر اصالةٔ سندیک تعیین قلنمش اولدقلرندن مفلس مرقوم ذمتده آله‌جنی اولانلرک قانوننامهٔ تجارتک ۱۹۹ و ۲۰۰ نجی ماده‌لری موجبجه تحقّق دیون ایچون تاریخ اعلانندن اعتباراً یکرمی بر کون ظرفنده سنداتی محکمهٔ کاتبه تسلیم ایللری ومدت مذکوره ختامندن سوکره اوچر کونده یعنی ۳۲۳ سنه‌سی تشرین‌انیسنک اون‌یکنجی ایلزار ایتسی اون اوچنچی صالی واون دردنجی چهارشنبه کلنلری تجارت بحیره محکمه‌سنک افلاس معاملاته مخصوص اوطه‌سنه کلهرک سندیک افندیلر مواجهه‌سنده آله‌جقلرنی اثبات وقید وتصدیق ایتدیرملری ومدت مذکوره‌ده اثبات وجود ایدهمیان آله‌جقولرک حقنده قانون مذکورک ۲۱۰ نجی ماده‌سنه توفیقاً ایضای معامله اوله‌جنی اعلان اولنور .

قوزغنجقده مغازه‌سنده ساکن ایکن تجارت بحیره محکمه‌سندن افلاسنه حکم اولنمش اولان مانیفاطوره‌جی هازی پارناس ذمتده آله‌جنی اثبات ویا موقتاً قبول وقید ایتدیرمش اولان آله‌جقولرک قانوننامهٔ تجارتک ۲۱۱ نجی و آتی ولی ایدن ماده‌سی موجبجه مفلس طرفسندن تکلیف اوله‌جق قوتقورداتونک مذاکره‌سی ایچون ۳۲۳ سنه‌سی تشرین‌اولنک اوتوز برنجی چهارشنبه کونی محکمهٔ

مذکورہ نك مصالح افلاسیہ رؤیتہ مخصوص اوطہ سنہ
کلمری اعلان اولنور .

ایکینی تجارت محکمہ سنہ :

درعلیہ بات بازارندہ اون نومرولی دکانده مقیم
حاضر البسه تجارتیله مشغول ماماس ایوازیانک ۲۹
تشرین اول سنہ ۳۲۳ تاریخندن اعتباراً اعلان افلاسنه
ومصالح افلاسیه نك رؤیت وتسویه سی رؤیت ضمننده
اعضای محکمہ دن عزتو ایوب صبری بکک ژوز قومیسر
ودعوی وکیللرندن کرقرور اطامیان و آرتین سلیمان
وداود روسو افدیله موقت سندیک تعینلرینه ومغازه
سیله اشیای زائده بیتیه سنك تمهیرینه واوراق ودفاترینك
جلبنه وكفالت مصدقه ارانه ایدمه مدیکي تقدیرده
حبس وتوقیفنه وبوباده کی قرارك موقتاً اجراسنه
ایکینی تجارت محکمہ سنجه قرار ویرلمش اولدیغندن
قانوننامه تجارتك ۱۷۰ نجی ماده سی موجبجه داعی
سندیکلر انتخاب اولنق اوزره اشبو ۳۲۳ سنه سی
تشرین ثانیسنك اون ایکینی بازار ایرتسی کونی ساعت
یدی راده لرنده اصحاب مطلوبك محکمہ مذکورہ نك
مصالح افلاسیه رؤیتہ مخصوص اوطه سنه کلمری
اعلان اولنور .

درعلیہ مصر چارشوسی جوارنده خراجچی
خاننده اجزا تجارتیله مشغول آرسلا نیان امیرزه
شرکتك ۲۲ تشرین اول سنہ ۳۲۳ تاریخندن اعتباراً
اعلان افلاسنه ومصالح افلاسیه نك رؤیت وتسویه سی
ضمننده اعضای محکمہ دن عزتو ایوب صبری بکک
ژوز قومیسر ودعوی وکیللرندن ساموئل انسٹاشیادی
ومهران کوربه یان و حیاتی اقدیلرک موقت سندیک
تعینلرینه ومغازه سیله اشیای زائده بیتیه سنك تمهیرینه
واوراق ودفاترینك جلبنه وكفالت مصدقه ارانه ایدمه
مدیکي تقدیرده حبس وتوقیفنه وبوباده کی قرارك موقتاً
اجراسنه ایکینی تجارت محکمہ سنجه قرار ویرلمش
اولدیغندن قانوننامه تجارتك ۱۷۰ نجی ماده سی
موجبجه داعی سندیکلر انتخاب اولنق اوزره اشبو
۳۲۳ سنه سی تشرین ثانیسنك بشنجی بازار ایرتسی
کونی ساعت یدی راده لرنده اصحاب مطلوبك محکمہ
مذکورہ نك مصالح افلاسیه رؤیتہ مخصوص اوطه سنه
کلمری اعلان اولنور .

استانبولده آیدین اولتنده مقیم مانیفاطوره تجارتیله
مشغول اسلام زاده خلیل افدینك ۲۳ تشرین اول
سنہ ۳۲۳ تاریخندن اعتباراً اعلان افلاسنه ومصالح
افلاسیه نك رؤیت وتسویه سی ضمننده اعضا ملازمی
وفعتلو بدوسا کی افدینك ژوز قومیسر ودعوی

وکیللرندن اوخلانس باراویان وداود روسو افدیله رایله
نشأت بکک موقت سندیک تعینلرینه ومغازه سیله
اشیای زائده بیتیه سنك تمهیرینه واوراق ودفاترینك
جلبنه وكفالت ارانه ایدمه مدیکي صورتده حبس وتوقیفنه
وبوباده کی قرارك موقتاً اجراسنه ایکینی تجارت
محکمہ سنجه قرار ویرلمش اولدیغندن قانوننامه تجارتك
۱۷۰ نجی ماده سی موجبجه داعی سندیکلر انتخاب
اولنق اوزره ۳۲۳ سنه سی تشرین ثانیسنك سکرنجی
بشنجبه کونی ساعت یدی راده لرنده اصحاب مطلوبك
محکمہ مذکورہ نك معاملات افلاسیه رؤیتہ مخصوص
اوطه سنه کلمری اعلان اولنور .

درعلیہ بات بازارنده مقیم حاضر البسه تجارتیله
مشغول هرا نط ایوازیانك ۲۹ تشرین اول سنہ ۳۲۳
تاریخندن اعتباراً اعلان افلاسنه ومصالح افلاسیه سنك
رؤیت وتسویه سی ضمننده اعضای محکمہ دن عزتو
سالح بکک ژوز قومیسر ودعوی وکیللرندن
میخالا کی نیقولائییدی وکرقرور اطامیان افدیله
موقت سندیک تعینلرینه ومغازه سیله دپولرنده کی اموال
تجاریه و اشیای زائده بیتیه سنك تمهیرینه واوراق
ودفاترینك جلبنه وكفالت مصدقه ارانه ایدمه مدیکي
تقدیرده حبس وتوقیفنه وبوباده کی قرارك موقتاً
اجراسنه محکمہ جه قرار ویرلمش اولدیغندن قانوننامه
تجارتك ۱۷۰ نجی ماده سی موجبجه داعی سندیکلر
انتخاب اولنق اوزره اشبو ۳۲۳ سنه سی تشرین ثانیسنك
اون ایکینی بازار ایرتسی کونی ساعت یدی راده لرنده
اصحاب مطلوبك محکمہ مذکورہ نك مصالح افلاسیه
رؤیتہ مخصوص اوطه سنه کلمری اعلان اولنور .

محکمہ تجارت اجراء دایره سنہ :

واسیل افدینك غلطه ده بانق عثمانی قارشوسنده
قرجه اوغلی آزاریا ذمتنده محکوم به مطلوبی بولنان
مبالغ معلومه نك تأمین استیفاسی ضمننده مدیون
مرقومک مالی اولوب علی الاصول حجز آلتیه آلتش
اولان قرق طقوز ساتیم عرضنده والتمش ساتیم
طولنده اون اوچ عدد لیطوغرافیا طاشلرینك تاریخ
اعلانندن اعتباراً یدی کون صوکره یعنی شهر حال
رومینك اوتوزرنجی چهارشنبه کونی ساعت اوچدن
بشه قدر محل مذکورده مأموری مواجهه سننده
بالمزایده فروخت اولنجه نجی محکمہ تجارت اجرا
داره سنندن اعلان اولنور .

درسعادت اعمومات نظامیه اجراء دایره سنہ :
مرحوم محمد مهری پاشا وعادله خاتمک عبده

مکی بك اموالندن ووالده ووصیه سی خدیجه خیره
خاتمک یدندن استقراض ایلدکلمری مبالغه مقابل
مرهون وفروختی محکوم بولنان بشکطاشده تشویقه
محلہ سنده احمدبک زقاغنده واقع وتخمیناً بیک درتیوز
التمش بش آرشون یکریمی سکر نومرولی محترق
قوناق عرصه سی تمامك تاریخ اعلانندن اعتباراً اون
بش کون صوکره بالمزایده فروخته تشبث اولنجه
درسعادت اعلانات نظامیه اجرا دائره سنندن اعلان
اولنور .

ایساق چیطونك نسیم سنطوف ذمتنده با اعلام
نظامی محکوم به آله جغندن طولانی مرقومک عهده سنده
بولنان بلاطده حاجی عیسی محلہ سنك یکی جاده سنده
واقع تخمیناً طقسان آرشون عرصه اوزرینه مبنی
بش اوطه وایکی صفه وبر طاشلق وبر تراچه وبر
مطببخ وبر صهرنجی حاوی درت نومرولی خانه تمامك
تاریخ اعلانندن اعتباراً اون بش کون صوکره بالمزایده
فروخته تشبث اولنجه نجی درسعادت اعلانات نظامیه
اجرا دائره سنندن اعلان اولنور .

ساقز بابت محکمہ سی اجراء دایره سنہ :

ساقزک لیموس قریه سی اهایلسندن نیقولی ولد
یوانی بلانك ، قریه مذکورہ اهایلسندن ایکن بوندن
مقدم وفات ایدن یوانی صالیارینك وارثلری کیر
اوغلی یورکی ایله کیره قیزلری اقامتگاهلری مجهول
قریطو وماریا وایه نو ذمتلرنده ساقز محکمہ بدایت
حقوق دائره سنك ۹۵ نومرولی و ۱۹ کانون اول
سنه ۳۲۲ تاریخلو کسب قطعت ایتش برقطعه اعلام
غیابی موجبجه محکوم به آله جغنی بولنان مع فائض
بیک طقوزیوز قرق درت غروشله مصارف محاکمه نك
وبشقه جه ایشلیه جک فائضک تأدیہ وتسویه سی ضمننده
اجرا قانوننامه هایوننك یکریمی طقوزنجی ماده سی
موجبجه مزبورتان قریطو وماریا وایه نونك ارچ ماه
ظرفنده دائره اجرایه مراجعتله اثبات وجود ایللری
لازم کله جکی وخلافی تقدیرده مدت مذکورہ
ختامنده مدیون اصیل متوفای مرقوم یوانی صالیارینك
مرهون بولنان قریه مذکورہ نك « امیلا »
و « قالوپاردوس » و « یسیموپلوس » واقعنده کائن
اوچ قطعه ترلارینك فروخته تشبث ایدیله جکی ساقز
سنجانی بدایت محکمہ سی اجرا دائره سنندن اعلان
اولنور .